



UNIVERSITÄTS-
BIBLIOTHEK
PADERBORN

Universitätsbibliothek Paderborn

Carminvm Iacobi Albani Ghibbesii, Poetae Lavreati Caesarei, Pars Lyrica

Gibbes, James Alban

Romae, 1668

Ad Themin In Aede Sapientiae. Theses legales memorat fuisse à Io:
Angelo, Ducis Altaempisij filio, & Alexandri P.M. Cubiculario secreto,
perdocte in Aula maxima Sapientiae propugnatas, cum ...

urn:nbn:de:hbz:466:1-13378

Principibus altis ire miratæ parem,
 Magno sub astra nomine.
 Quid, quòd supremis Chisiorum montibus
 Afflare lucem credimur?
 Ambiuit ergò Roma doctorem suum,
 Phœbi potentem & Mercuri:
 Ambiuit almæ porticus Sapientiæ
 Mercede inauditâ prius.
 Nec liuor indè rodit vllus aduenam,
 Omnesquè cum plausu colunt.
 O dîa Siren, clara virtutis comes,
 Et vos duces, Loiolidæ!
 O efficax vis sapere Bœotos quoquè,
 Vbi allaborandum est simul!
 Vtrique gratus muneri acceptum fero;
 Si liceat, & soluam vices.
 Quòd Latia pubes extero assurgit mihi,
 Suumquè sermonem refert:
 Quòd & leporis volito notus Artici,
 Vestrum est, & æternum decus.

AD THEMIS
 IN AEDE SAPIENTIAE.

*Theses legales memorat fuisse à Io: Angelo, Ducis Al-
 taempfy filio, & Alexandri P. M. Cubiculario se-
 creto, perdoctè in Aula maxima Sapientiæ propugna-
 tas, cum magnificentissimo ipsiusmet Pontificis, cui
 dicauerat easdem, apparatu.*

ODE II.

Lacata tandèm deuolat cœlo Themis,
 Terramquè rursùs incolit.
 Quinimò Alexandro beata principe
 Offendit in terris polum.
 Nam quæ supernas res duæ illustrent plagas,
 Adorea & Sapiaentia,

Vrram-

158 IAC. ALB. GHIBRESII

Vtramque miro, Diva, consensu tenes
Infrà renidentem tibi,
Hoc orbis oculo, iurè virtutis Pharo,
Hac vrbe teste Romuli.
Lux hæc theatrum numini fecit tuo,
Quod invideret Terminus
Iouis sodalis, rupe Tarpeiâ manens,
Cùm turba migrâsset Deûm,
Quatiente pennas tequè. Nam commercium
Fugère nostrum cœlites.
Sed melior ætas seculum felicius
Tulit sub astro Chisio.
Rediêre mores aurei mortalibus,
Rediêre læti cœlites.
Ius fasquè regnat, postquàm Alexander iubet,
Frcenator orbis maximus.
Nouos honores ipsa te maior, THEMI,
Ut sanxit hic Solon, stupes.
Quod cordi amicum, Sophia regales parens
Induta cultus excipit.
Quisquamnè cœlum deneget, si construunt
Et Pontifex, & Angelus?

S. VVENEFREDAE BRITANNÆ,
VIRGINIS, ET MARTYRIS.

*Cuius dies festus mirifico apparatu musices & pictura à
Marchione Somersetto, in Collegio Anglorum Roma-
no, splendidissimè celebratur. X. Cal. Quintil. 1662.*

ODE III.

Britanna Virgo restitit viriliter
Sæuis Cadoci machinis,
Contra pudorem quas librat princeps malus,
Christoquè desponsam fidem.
Ergò cruento messuit ferro çaput
Adulter haud passus moras.

At